

Маркас 1 бөлг.

1. Иисус Христосин туск Байрта Зэңг иигж эклжэнэ:
2. «Исая ээлдэч бичсмин: хэлэхэд медж автн, Би Чини өмн Эврэннь зэңгчэн тэвжэнэв, эн Чамд хаалһ белдх», болн цааранднь бас бичсмин:
3. «Көдө һазрт хээкржэх дун соңсгджана «Деед Эзнд йовх хаалһнь белдтн, Терүнэ хаалһнь һо кетн!»
4. Иигж Иоанн ирлэ . Эн көдө һазрт эмтиг килнцэн медэд ардан хаяд, бийэн цеврлхн төлэ уснд булхад кирслһнэ туск зэңг тархасмин.
5. Цуг Иудеин орн-нутгин болн Иерусалимин улс Иоаннур ирдг бээсмин. Эдн эврэннь килнцэн илднь келж өгхлэ тегэд эн тедниг Иордан һолын уснд булхулад кирслж.
6. Иоанн бийнь темэнэ ноосна килһсэр гүрсн хувц өмсэд белкүсэн арсн бүсэр бооһад, царцаха болн зерлг зогин бал иддг бээж.
7. Иоанн келсмин: «Мини ардас Тер ирх, Тер нанас даву Күчтэ чидлтэ, би Терүнэ башмгин бүчинь тээлх зөв угав.
8. Би тадниг уснд булхулад, усар кирслжэнэв, Тер тадниг Эрүн Сэкүсэр кирслх.»
9. Тер өдрмүдт Галилеин Назарет балһснас Иисус ирж, Терүг Иоанн Иордана һолын уснд кирслмин.
10. Иисус уснас һарч йовсн цагт, теңгр заагрснь болн Эрүн Сэкүсн Иисусин деернь көгжрлһн мет буужахиг Иоанн үзж.
11. Дарунь теңгрэс дун соңсгдж: «Чи Мини Эңкр болн хээртэ Көвүн! Чамд Мини байр!»
12. Энүнэ хөөн дарунь Эрүн Сэкүсн Иисусиг көдө һазрур дахулад йовж.
13. Дөчн хонгт Иисус көдө һазрт бээсмин, тенд эрлг Терүг сөрүлсмин. Эн көдэд Иисус зерлг аңгудтын дунд бээж, Бурхна элчнр Терүнд нөкд болсмин.
14. Түүнэ хөөн Иисус Галилеюр ирэд, Бурхна Теңгрин орн-нутгин туск Байрта зэңг тархмсн. Эн цагла Иоанниг бэрэд түүрмд суулһсмин бээж.

15. Иисус келдг бээсмн : «Цагнь ирчкв — Бурхна Теңгрин орн-нутг өөрдж ирв!»
Зүркэн цеврлэд, килнцэн ардан хаяд, Бурхнд болн Бурхна Теңгрин орн-нутгин туск Байрта зэнг итктн!»
16. Галилеин теңгсин көвөһөр Иисус йовж йовад, Симониг болн энүнэ ахнь Андреиг үзж. Тедн захсчнр билэ, тегэд тедн теңгсд гөлм хайжасмн.
17. Иисус эднд келж: «Намаг дахтн, Би тадниг эмт бөрдг улс кенэв.»
18. Эдн дарунь гөлмэн хаяд, Иисусиг дахад йовсмн.
19. Цараанднь йовж йовад, Иисус Иаковиг, Зеведеин көвүг болн энүнэ ах Иоанниг үзж, эдн оңһцд гөлмэн ясжасмн.
20. Иисус тедниг дуудж, тегэд эдн эврәннь эцк Зеведеяг болн оңһц бээсн көдлмшчнртәһинь үлдәһэд, Иисусиг дахв.
21. Эдн Капернаумд ирв. Бурхна Суббот өдрлэ Иисус синагогт орад сурһв.
22. Эмтин Иисусин дасхжах сурһульд икәр алң болж, юңгад гихлэ дегтр бичдг улсин сурһульла эдл биш бээсмн. Иисус йосн болн зөв Терүнэ һарт болн сурһжах сурһульд бээснь медүлэд дасхж.
23. Тер синагогд хар сәкүснд авлгдсн күн билэ. Эн хәәкрж:
24. « Назаретас ирсн Иисус, маднас Танд ю кергтә? Та мадниг алхар ирвт? Би Таниг медв, Та кен болжахитн бас меддв. Та – Бурхна Эрүн Көвүн!»
25. Зуг Иисус терүнд закв: « Аман хааж, дууһан тасл! Терүнәс һарч эрл!»
26. Тиигхлэ хар сәкүсн тер күүг чичрүлэд, чаңгар му дууһар хәәкрэд терүнәс һарч.
27. Тенд бээсн цуг эмтн йир икәр эәж. Тегэд эдн нег-негнәсн сурв: «Юн болжахмб? Ямаран шин сурһаль? Иисус йостаһар хар сәкүсдт закжана, хар сәкүсд Терүнә заквринь соңсжана.»
28. Түүнә хөөн Иисусин туск зэнг дарунь цуг Галилеяр тарсмн.
29. Дарунь Иисус синагогас Иаковта болн Иоаннта һарв. Эдн Симона болн Андреин герт ирв.
30. Симона хадм экнь халуд өрэд кевтсн бәәәж, энүнэ тускар Иисуст келсмн.

31. Тер хадм эжүр өөрдэд, хараснь авад босхв. Энүнэ халунь уга болж одв. Тегэд Симона хадм экн теднд хотнь белдхэр адһв.
32. Нарн суһад, асхн болж йовх цагла Иисус тал оln-зүсн гемтэ болн хар сәкүст авлгдсн улс авч ирж.
33. Цуг балһсна улс тер герин үүднэ өөр хурцхаж.
34. Иисус дала улс оln-зүсн гемәс эдгәж, оln хар сәкүсд көөж. Болв Иисус хар сәкүсдт Терүнэ тускар медсән келх зөв өгсн уга.
35. Өр цәэхин өмн Иисус босад күн уга һазрур йовв, тенд Тер зальврсмн.
36. Симон болн өөрнь бәәснь Иисусиг хәәһэд һарв.
37. Иисусиг олж авад тедн келж: «Чамаг цуһар хәәжәнә.»
38. Тер эднд иигж келж: « Талдан селәдәр одый, юңгад гихлэ Би теднд Байрта зәңг келх зөвтөв. Би эн керг күцәхин төлә ирләв.»
39. Тегэд Тер цуг Галилеяр йовад, Байрта зәңг синагомудт сурһад болн хар сәкүсд көөсмн.
40. Иисусур хальдврта гемтэ күн ирв. Эн Иисусин өмн өвдг деерән унад, уульн сурв: «Суржанав Таниг, намаг эдгәһэд цеврлхнтн!
41. Иисус энүнд харм төрэд, һаран энүнд күргәд келв: « Чамаг цеврлхәр бәәнәв! Цеврлд!»
42. Эн үгмидин хөөн хальдвр гем уга босж одв, тер күн цеврдж оч.
43. Иисус тер эдгсн күүнд иигж чаңһар закв: «Юн болснь күүнд бичә кел. Бурхна әрүн күүнд одад, бийән үзүләд, бийән цеврлсн төләд Моисеин келсәр бәрц авч одад өг. Эн теднд герчлһн болх.»
44. Зуг эн күн һарн юн болснь экләд келәд йовсмн. Тегэд Иисус балһсур икәр орж чаддго болв. Тер әмтн уга һазрмудар бәәдг бәәсмн, болв әмтн Терүнүр кесг һазрас ирдг билә.